

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2017թ.

N-----Ա

ՈՐՈՇՈՒՄ

ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

Ղեկավարվելով Հայաստանի Հանրապետության հողային օրենսգրքի 71-րդ հոդվածի 1-ին և 3-րդ մասերով, Հայաստանի Հանրապետության կառավարության 2001 թվականի ապրիլի 12-ի N 286 որոշմամբ հաստատված կարգի 32-րդ կետով՝

Երևան քաղաքի ավագանին որոշում է.

1. Համաձայնություն տալ՝ Արման Ավետյանին սեփականության իրավունքով պատկանող Երևան, Ավան, Նարեկացի թաղամասի հ.54/5 հասցեում, տարածագնահատման 7-րդ գոտում գտնվող 60.45 քմ մակերեսով հողամասը (անշարժ գույքի նկատմամբ իրավունքների պետական գրանցման հ.18012016-01-0038 վկայական) և Ալեքսանդր Ավետյանին սեփականության իրավունքով պատկանող Երևան, Ավան, Նարեկացի թաղամասի հ.54 շենքի հ.35 հասցեում, տարածագնահատման 7-րդ գոտում գտնվող 51.18 քմ մակերեսով հողամասը (անշարժ գույքի նկատմամբ իրավունքների պետական գրանցման հ.05022013-01-1639 վկայական) /ընդհանուր՝ 111.63 քմ/ Երևան համայնքի սեփականությունը հանդիսացող Երևան, Բակունցի փողոցին հարող տարածքում և տարածագնահատման 7-րդ գոտում գտնվող 150.0 քմ մակերեսով հողամասի հետ փոխանակելուն:

2. Ընդունել ի գիտություն, որ

1) հողամասերի փոխանակման պայմանագրերը ենթակա են կնքման՝ սահմանված կարգով դրանց վրա առկա շինությունները սեփականատերերի միջոցների հաշվին քանդելուց հետո,

2) հողամասերի շուկայական արժեքների տարբերությունը ենթակա է վճարման Երևան համայնքի բյուջե, որը կազմում է 255.000 (երկու հարյուր հիսունհինգ հազար) ՀՀ դրամ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք-Հ Ի Մ Ն Ա Վ Ո Ր ՈՒ Մ

«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ավագանու սույն որոշման նախագծով նախատեսվում է Ալեքսանդր և Արմեն Ավետյաններին սեփականության իրավունքով պատկանող Նարեկացի թաղամասի հ.54 շենքի հ.35 և Նարեկացի թաղամասի հ.54/5 հասցեներում գտնվող համապատասխանաբար 51.18 քմ և 60.45 քմ մակերեսներով հողամասերը փոխանակել Երևան համայնքի սեփականություն հանդիսացող Բակունցի փողոցին հարող տարածքում գտնվող 150.0 քմ մակերեսով հողամասի հետ:

Հարկ է նշել, որ քաղաքացիներին սեփականության իրավունքով պատկանող հողամասերի վրա առկա են 47.24 քմ և 49.7 քմ մակերեսներով շինություններ, որոնք փոխանակման պայմանագիր կնքելուց առաջ սահմանված կարգով ենթակա են քանդման՝ նախապես Երևանի քաղաքապետարանից քանդման թույլտվություն ստանալուց հետո:

Երևանի քաղաքապետարանի նախաձեռնությամբ, համապատասխան որակավորում ունեցող մասնագետների միջոցով, իրականացվել է քննարկվող գույքի շուկայական արժեքի գնահատման աշխատանքներ, որից հետևում է, որ Ալեքսանդր և Արմեն Ավետյաններին սեփականության իրավունքով պատկանող հողամասերի շուկայական արժեքը կազմում է համապատասխանաբար 1.490.000 ՀՀ դրամ և 1.755.000 ՀՀ դրամ, իսկ Երևան համայնքի սեփականություն հանդիսացող հողամասի շուկայական արժեքը կազմում է 3.500.000 ՀՀ դրամ: Երևան համայնքի սեփականություն հանդիսացող հողամասի արժեքն ավել է քաղաքացիներին սեփականության իրավունքով պատկանող հողամասերի շուկայական արժեքից: Փոխանակման արդյունում գույքի (հողամասի) գնահատված արժեքի տարբերությունը քաղաքացիները պետք է փոխանցեն Երևան համայնքի բյուջե:

Հողամասերի փոխանակման անհրաժեշտությունը պայմանավորված է հետևյալ հանգամանքով՝ քաղաքացիներին սեփականության իրավունքով պատկանող հողամասերը գտնվում են գոյություն ունեցող եկեղեցու, ինչպես նաև բնակիչների համար բարեկարգված և ընդհանուր օգտագործման գոտի հանդիսացող հատվածին կից, անմիջապես հարևանությամբ և այդ հողամասերը համայնքային սեփականություն հանդիսացող հողամասի հետ փոխանակության արդյունքում հնարավոր կլինի ընդլայնելու եկեղեցու կառուցապատման, ինչպես նաև դրա զբաղեցրած և սպասարկման համար ծառայող հողամասի մակերեսը՝ ապահովելով նաև բարեկարգման և կանաչապատման համար առավել մեծ հատված և տվյալ տարածքում առկա հողամասերի օգտագործման արդյունավետության բարձրացումը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ